



Von Reinicken Fuchs!

Denn Isengrein der ist gar schwind/
 VIII. Er thut ihn böses/ wo er sie findt.
 IX. Wer ich nur von dem Bann erlost/
 So hett ich doch noch bessern trost/
 Vnd möcht auffrichtig mit gemach/
 Selbs Kühnlich reden für mein sach.
 Martin sprach: Reinicken mein Ohm/
 Ich wil jetzt eben gehn nach Rom/
 X. Ich steh euch bey mit freyen stücken/
 Ich wil euch nicht lassen verträcken/
 Ich wil mit fleiß darnach thun ringen/
 Daß ich euch auß dem Bann mög bringen/
 Ich wil den Babst gen Rom citiern/
 Vnd ernstlich mit ihm litigiern/
 Vnd thun euwer Execution,
 Bringen ein Absolution.
 Ich versteh mich wol auff diesen Fauff/
 Vnd weiß gar wol der Römischen lauff.
 XI. Was ich lassen sol oder thun/
 Da ist mein treuwer Freund Simon/
 Der ist da groß vnd hoch erhaben/
 Hilfft willig dem der da bringt Gaben/
 Herr Schalcksfund ist da auch ein Herr/
 Doctor Greiffzu / vnd andere mehr/
 Er Wendenmantel / Er Loserfundt/
 Sindt alle da mein guren freundt.
 Ich hab schon Geldt fürhin gesandt/
 Dardurch werdt ihr gar wol erkandt/
 Wer geldt bringt / bekompt bald gnad/
 Wer das nicht hat der kompt zu spat.
 Wer ein sach noch so falsch vnd frumb/
 Mit Geldt wil ich sie stossen vmb/
 Seht Ohm/darumb ihr seit im Bann/

279

277

283

273

288

268

328

228

378

178

Ende

Anfang